

## NS komited tambah hutan simpan



AMIRUDDIN (tiga dari kiri) menunjukkan sijil MBOR kepada wakil Jabatan Hutan di PD Forest @ Sungai Menyala, Port Dickson semalam.

# NS komited tambah hutan simpan

**POR T DICKSON** — Kerajaan Negeri Sembilan dalam proses untuk menambah lagi kawasan Hutan Simpanan Kekal (HSK) membabitkan hutan seluas 330 hektar melibatkan tanah kerajaan di daerah ini.

Menteri Besar, Datuk Seri Aminuddin Harun berkata, kawasan hutan simpan bakau yang bakal diwartakan itu diharap akan menjadi satu pusat kajian bagi generasi muda mengenai

hutan bakau.

Menurutnya, pihaknya kini sedang mengenal pasti lokasi yang bersesuaian di mana antara kawasan bakau yang ada di daerah ini adalah di Sungai Nipah, Chuah, Lukut, Sungai Linggi dan lain-lain lagi.

“Sekarang anak muda tak tahu hutan bakau tu apa. Apa dalam hutan bakau. Mereka tak kenal lokan. Mereka tak kenal kupang, siput, banyak yang ada di dalam

hutan bakau yang merupakan sumber alam yang menjadi tempat makanan-makanan ikan.

“Ini (hutan bakau) antara yang harus kita jaga bagi memastikan sumber ikan kita walaupun tak banyak tetapi dijaga dan dihargai. Kita ada bakau di sekitar Sungai Nipah, Chuah, Lukut, Sungai Linggi, jelas beliau.

“Kita nak lihat perancangan akan datang supaya khazanah negara terpelihara,” ujarnya.